

摘藻堂四庫全書薈要

集部

欽定四庫全書薈要卷一萬七千四百十

集部

御定全唐詩卷五

文德皇后

太宗后長孫氏河南洛陽人隋左驍衛將軍晟之女武德九年立為皇后喜圖傳視古今善惡以自鑒矜尚禮法常采古婦人事作女則一篇今存詩一首

春遊曲

上苑桃

一作杏

花朝日明蘭閨豔妾動春情井上新桃偷

面色檐邊嫩柳學身輕花中來去看舞蝶樹上長短聽
啼鶯林下何須遠借問出衆風流舊有名

則天皇后

高宗后武氏并州文水人荊州都督士彥之女永徽六
年立為皇后中宗即位稱皇太后臨朝尋自稱皇帝改
國號曰周自名璽在位二十二年中宗反正謚則天順
聖皇后有垂拱集百卷金輪集六卷今存詩四十六篇

曳鼎歌

萬歲通天元年鑄九鼎成上各寫本州
山川物產之象令著作郎賈膺福殿中

丞薛昌容鳳閣主事李元振司農錄事鍾紹京
等分題左尚令曹元鼎畫令南北衛士十餘萬
人并仗內大牛白象曳之自亥武門
入后自製蔡州永昌鼎歌見唐會要

義農首出軒昊膺期唐虞繼踵湯禹乘時天下光宅海
內雍熙上玄降鑒方建隆基

中有隆基字開元中姚崇
等以啓運休兆請宣付史

館

唐享昊天樂

第一

太陰凝至化真耀蘊軒儀德邁娥臺敬仁高似幄披捫

天遂啓極夢日乃昇曦

第二

瞻紫極望玄穹翹至懇聲深衷聽雖遠誠必通垂厚澤
降雲宮

第三

乾儀混成冲邃天道下濟高明閭陽晨披紫闕太一曉
降黃庭圜壇敢申昭報方璧冀展虔情丹襟式敷衷懇
玄鑒庶察微誠

第四

巍巍叡業廣赫赫聖基隆
菲德承先顧禎符萃眇躬
銘開武巖側圖薦洛川中
微誠詎幽感景命忽昭融
有懷慙紫極無以謝玄穹

第五

朝壇霧卷曙嶺煙沉爰設
筐幣式表誠心筵輝麗壁
樂暢和音仰惟靈鑒俯察
翹襟

第六

昭昭上帝穆穆下臨禮崇備物樂奏鏘金蘭羞委薦桂
醑盈斟敢希明德幸罄莊心

第七

尊浮九醞禮備三周陳誠菲奠契福神猷

第八

奠璧郊壇昭大禮鏘金拊石表虔誠始奏承雲娛帝賞
復歌調露暢韶英

第九

荷恩承顧託執契恭臨撫廟略靜邊荒天兵曜神武有
截資先化無為遵舊矩禎符降昊穹大業光寰宇

第十

肅肅祀典邕邕禮秩三獻已周九成斯畢爰撤其俎載
遷其實或升或降惟誠惟質

第十一

禮終肆類樂闋九成仰惟明德敢薦非馨顧慙菲奠久
駐雲輶瞻荷靈澤悚戀兼盈

第十二

式乾路闢天扉迴日馭動雲衣登金闕入紫微望仙駕
仰恩徽

唐明堂樂章

外辦將出

總章陳昔典衢室禮惟神宏規則天地神用叶陶鈞負
宸三春旦充庭萬宇賓顧已誠虛薄空慙馭一作億兆人

皇帝行

仰膺厯數俯順謳歌遠安邇肅俗阜時和化光玉鏡訟
息金科方興典禮永戢干戈

皇嗣出入升降

至人光俗大孝通神謙以表性恭惟立身洪規載啓茂
典方陳譽隆三善祥開萬春

迎送王公

千官肅事萬國朝宗載延百辟爰集二宮君臣德合魚
水斯同睿圖方永周厯長隆

登歌

禮崇宗祀志表嚴禋笙鏞合奏文物惟新敬遵茂典敢
擇良辰絜誠斯著奠謁方申

配饗

笙鏞間玉宇文物昭清輝睟影臨芳奠休光下太微孝
思期有感明絜庶無違

宮音

履艮包羣望居中冠百靈萬方資廣運庶品荷財成神

功諒匪測盛德實難名藻奠申誠敬恭祀表惟馨

角音

出震位開平秩扇條風乘甲乙龍德盛鳥星出薦珪篚
陳誠寶

徵音

赫赫離精御炎陸滔滔熾景開隆暑冀延神鑒俯蘭尊
式表虔襟陳桂俎

商音

律中夷則序應收成功宣建武義表惟明爰申禮奠庶
展翹誠九秋是式百穀斯盈

羽音

葭律肇啓隆冬

一作蘊

藻攸陳饗祭黃鍾既陳玉燭紅

粒方殷稔歲

唐大饗拜洛樂章

唐書樂志曰則天皇后永昌元年大享拜洛樂禮設用昭

和次致和次咸和乘輿初行用九和次拜洛受
圖用顯和登歌用昭和迎俎用敬和酌獻用欽
和送文舞用迎武舞入用齊和武舞用德和撤
俎用祔和辭神用通和送神用歸和按樂志又

有歸和一章
亦送神詞也

昭和

九玄眷命三聖基隆奉成先旨明臺畢功宗祀展敬冀
表深衷永昌帝業式播淳風

致和

神功不測兮運陰陽包藏萬宇兮孕八荒天符既出兮
帝業昌願臨明祀兮降禎祥

咸和

坎澤祠容備舉坤壇祭典爰申靈睠遙行祕躅嘉貺薦
委殊珍肅禮恭禋載展翹襟邈志逾殷方期交際懸應
下一句逸

九和

祇荷坤德欽若乾靈慙惕罔寘寧恭崇禮則肅
奉儀形惟憑展敬敢薦非馨

拜洛

菲躬承睿顧薄德忝坤儀乾乾遵後命翼翼奉先規撫

俗勤雖切還淳化尚虧未能弘至道何以契明祇

顯和

顧德有慙虛菲明祇屢降禎符汜水初呈祕象溫洛薦
表昌圖玄澤流恩載洽丹襟荷渥增愉

昭和

舒云致養合大資生德以恒固功由永貞升歌薦序垂
幣翹誠虹開玉照鳳引金聲

敬和

蘭俎既升蘋羞可薦金石載設咸英已變林澤斯總山
川是徧敢用敷誠實惟忘倦

齊和

沈潛演貺分三極廣大凝禎總萬方既薦羽旌文化啓
還呈千戚武威揚

德和

夕惕同司

一作

龍契晨兢當鳳宸崇儒習舊規偃伯循先

旨絕壤飛冠蓋遐區麗山水幸承三聖餘忻屬千年始

禋和

百禮崇容千官肅事靈降舞

一作無

兆神凝有粹奠享咸

周威儀畢備奏夏登列歌雍撤肆

通和

皇皇靈睠穆穆神心暫動凝質還歸積陰功立樞紐理
寂高深銜恩佩德聳志翹襟

歸和

言旋雲洞兮躡煙塗永寧中宇兮安下都色涵動植兮

順榮枯長貽寶貺兮贊璇圖

歸和

調雲闕兮神座興
驂雲駕兮儼將升
騰絳霄兮垂景祐
翹丹懇兮荷休徵

唐武氏享先廟樂章

先德謙撝冠昔嚴規節素超
今奉國忠誠每竭承家至
孝純深追崇懼乖尊意顯號
恐玷徽音既迫王公屢請
方乃俯遂羣心有限無由展
敬奠醑每闕親斟大禮虔

申典冊蘋藻敬薦翹襟

早春夜宴

九春開上節千門敞
夜扉蘭燈吐新燄
桂魄朗圓輝送酒
惟須滿流杯不用
稀務使霞漿興方
來沉洛歸

遊九龍潭

山窗遊玉女澗戶對瓊峰
巖頂翔雙鳳潭心倒九龍
酒中浮竹葉杯上寫芙蓉
故驗家山賞惟有風入松
一松一作松
風

贈胡天師

見許旌陽傳

高人叶高志，山服往山家。
迢迢間風月，去去隔煙霞。
碧岫窺玄洞，玉竈鍊丹砂。
今日星津上，延首望靈槎。

從駕幸少林寺

并序

覩先妃營建之所，倍切兢矜，逾悽遠慕。聊題即事，用述悲懷。

陪鑾遊禁苑，侍賞出蘭闈。
雲偃攢峰蓋，霞低插浪旂。
日宮疏澗戶，月殿啓巖扉。
金輪轉金地，香閣曳香衣。
鐸吟

輕吹發幙搖薄霧霏昔遇焚芝火山紅連

一作野飛花

臺無半影蓮瑤有全輝寶賴能仁力攸資善世威慈緣

興福緒於此罄

一作欲

歸依風枝不可靜泣血竟何追

石淙

即平樂澗

三山十洞光玄錄玉嶠金巒鎮紫微均露均霜標勝壤
交風交雨列皇畿萬仞高巖藏日色千尋幽澗浴雲衣
且駐歡筵賞仁智琬鞍薄晚雜塵飛

臘日宣詔幸上苑

天授二年臘卿相欲詐稱花發請幸上苑有所謀也許之

尋疑有異圖乃遣使宣詔云云於是凌晨名花布苑羣臣咸服其異后託術以移唐祚此皆妖妄不足信也大凡后之詩文皆元萬頃崔融等為之

明朝遊上苑火急報春知
花須連夜發莫待曉風吹

如意娘

樂苑曰如意娘商調曲唐則天皇后所作也

看朱成碧思紛紛
顚顚支離為憶君
不信比來長下淚

開箱驗取石榴蒂

製袍字賜狄仁傑

狄公家傳

數政術守清勤
升顯位勵相臣

徐賢妃

妃名惠湖州長城人生五月能言四歲通論語詩八歲
自曉屬文辭致瞻蔚又無淹思太宗召為才人再遷充
容常上疏論時政帝善其言優賜之永徽元年贈賢妃
詩五首

擬小山篇

唐書本傳妃八歲父孝德使擬離騷為小山篇云云孝德大驚知不可掩

於是所著遂盛傳太宗知之召入宮

仰幽巖而流盼撫桂枝以凝想將千齡兮此遇荃何為

兮獨往

長門怨

舊愛柏梁臺新寵昭陽殿守分辭芳

一作方

輦含情泣團

扇一朝歌舞榮夙昔詩書賤賴恩誠已矣覆水難重薦

秋風函谷應詔

秋風起函谷勁

一作勁

氣動河山偃松千嶺上雜雨二陵

間低雲愁廣隰落日慘重關此時飄紫氣應驗真人還

賦得北方有佳人

由來稱獨立本自號傾城柳葉眉間發桃花臉上生腕
搖金釧響步轉玉環鳴纖腰宜寶袜紅衫豔織成懸知
一顧重別覺舞腰輕

進太宗

紀事云長安崇聖寺有賢妃妝殿太宗曾召妃久不至怒之因進是詩

朝來臨鏡臺妝罷暫裴回千金始一笑一召詎能來

上官昭容

昭容名婉兒西臺侍郎儀之孫天后時配入掖庭天性
韶懿善文章年十四后召見自通天以來內掌詔命中

宗即位大被信任進拜昭容勸帝侈大書館增學士員
引大臣名儒充選數賜宴賦詩君臣賡和婉兒常代帝
及后長寧安樂二主衆篇並作詞旨益新又差第羣臣
所賦賜金爵故朝廷靡然成風當時屬辭者大抵雖浮
豔然皆有可觀婉兒力也臨淄王兵起被誅開元初裒
次其文章詔張說題篇集二十卷今失傳存詩三十二
篇

奉和聖製立春日侍宴內殿出翦綵花應制

密葉因裁吐新花逐翦舒攀條雖不謬摘藥詎知虛春
至由來發秋還未肯疎借問桃將李相亂欲何如

九月九日上幸慈恩寺登浮圖羣臣上菊花壽

酒

帝里重陽節香園萬乘來却邪莫入

一作結

佩獻壽菊傳

杯增類承天湧門疑待佛開睿詞懸日月長得仰昭回

綵書怨

一云綵
毫怨

葉下洞庭初思君萬里餘露濃香被冷月落錦屏虛欲

奏江南曲貪封薊北書書中無別意惟悵久離居

駕幸三會寺應制

景龍二年十月三日

釋子談經處軒臣刻字留故臺遺老識殘簡聖皇

一作君

求駐蹕懷千古開襟望九州四山緣塞合二水夾城流
宸翰陪瞻仰天杯接獻酬太平詞藻盛長願紀鴻休

駕幸新豐溫泉宮獻詩三首

景龍三年十二月十二日中宗皇帝

駕新豐溫泉宮敕蒲州刺史徐彥伯入仗同學士例因與武平一等獻詩上官昭容亦賦絕句

三首以獻

三冬季月景龍年萬乘觀風出灞川遙看電躍龍為馬
回矚霜原玉作田

驚旂掣曳拂空回羽騎驂驪躡景來隱隱驪山雲外
迢迢御帳日邊開

翠幙珠幃敞月營金壘玉罕泛蘭英歲歲年年常扈蹕
長長久久樂升一作承平

遊長寧公主流杯池二十五首

長寧公主韋庶人所生下嫁楊

存交皇帝制曰門下特進行右散騎常侍駙馬都尉觀國公楊存交分榮戚里藉寵公門恭肅

著於立身協勤效於從政鳳凰樓上宛符琴瑟
之歡烏鵲橋邊載協松蘿之契宜覃茅土式廣
山河因造第於東都府財幾竭又取西京高士
廉第左金吾衛廢營改為宅作三重樓築山浚
池帝及后數臨幸令
昭容賦詩羣臣屬和

逐仙賞展幽情踰崑閬邁蓬瀛

遊魯館陟秦臺汚山壁媿瓊瓌

擅欒竹影飈颭松聲不煩歌吹自足娛怡一作情

仰循茅宇俯眺喬枝煙霞問訊風月相知

枝條鬱鬱文質彬彬山林作伴松桂為鄰

清波洶湧碧樹冥蒙莫怪留步因攀桂叢

莫論圓嶠休說方壺何如魯館即是仙都

玉環騰遠創金埒荷殊榮弗玩珠璣飾仍留仁智情鑿
山便作室憑樹即為楹公輸與班爾從此遂韜聲

登山一長望正遇九春初結駟填街術

一作街

閭閻滿邑

居鬪雪梅先吐驚風柳未舒直愁斜日落不畏酒尊虛
霽曉氣清和披襟賞薜蘿玳瑁凝春色琉璃漾水波跂
石聊長嘯攀松乍短歌除非物外者誰就此經過

暫爾遊山第淹留惜未歸霞

一作水

窗明月滿澗戶白雲

飛書引藤為架人將薜作衣此真攀玩所

一作桂府

臨睨賞

光輝

放曠出煙雲蕭條自不羣漱流清意府隱几避蹢氛石

畫妝苔色風梭織水文山室

一作室

何為貴唯餘蘭桂熏

策杖臨霞岫危步下霜蹊志逐深山靜途隨曲澗迷漸

覺心神逸俄看雲霧低莫怪人題樹祇為賞幽棲

攀藤招逸客偃桂協幽情水中看樹影風裏聽松聲

攜琴侍叔夜負局訪安期不應題石壁為記賞山時
泉石多仙趣巖壑寫奇形欲知堪悅耳唯聽水泠泠
巖壑恣登臨瑩目復怡心風篁類長笛流水當鳴琴
嬾步天台路惟登地肺山幽巖仙桂滿今日恣情攀
暫遊仁智所蕭然松桂情寄言棲遯客勿復訪蓬瀛
瀑溜晴疑雨叢篁晝似昏山中真可玩暫請報王孫
傍池聊試筆倚石旋題詩豫彈山水調終擬從鍾期
橫鋪豹皮褥側帶鹿胎巾借問何為者山中有逸人

沁水田園先自多齊城樓觀更無過倩語張騫莫辛苦
人今從此識天河

參差碧岫聳蓮花潺湲綠水瑩金沙何須遠訪三山路
人今已到九仙家

憑高瞰險

一作迴

足怡心茵閣桃源不暇尋餘雪依林成

玉樹殘雲點岫即瑤岑

句

勢如連壁友心似臭蘭人

詠後苑雙頭牡丹
見龍城錄

楊貴妃

妃蒲州永樂人。父籍，女官，號太真。善歌舞，邃曉音律，智算警穎，恩幸無比。宮中號娘子。天寶初，進冊貴妃。十五載，西幸至馬嵬，縊路祠下有詩一篇。

贈張雲容舞

雲容，妃侍兒，善為霓裳舞。妃從幸繡嶺宮時，贈此詩。

羅袖動香香不已，紅蕖裊裊秋煙裏。
輕雲嶺上乍搖風，嫩柳池邊初拂水。

江妃

妃名采蘋莆田人開元初高力士選歸侍明皇大見寵幸善屬文自比謝女所居悉植梅花帝因其所好戲名梅妃有詩一首

謝賜珍珠

上在花萼樓封珍珠一斛密賜妃妃不受

桂葉雙眉久不描殘妝和淚污紅綃長門盡日無梳洗何必珍珠慰寂寥

御定全唐詩卷五


謹案卷四第六頁前七行爽節在重九刊本爽訛
炎據別本改

第六頁前八行萬寶行就稔刊本寶訛實據別本
改

卷五第六頁後七行酌獻用欽和按後詩無欽和
一章疑有脫悞

第十五頁前一行三冬季月景龍年刊本龍訛隆
據詩敘改





總校官庶吉士臣張能照

校對官檢討臣龔大萬

謄錄監生臣李士勳

欽定四庫全書叢要

集部

御定全唐詩卷六至十



欽定四庫全書薈要卷一萬七千四百十一

集部

御定全唐詩卷六

章懷太子

（章懷太子）名賢字明允高宗第六子容止端重甫數歲讀書
覽輒不忘上元二年立為皇太子嘗詔集諸儒張大

安等注後漢書武后以明宗儼為盜所殺疑出太子之
謀誣構而廢之后得政遂遇害詩一首

黃臺瓜辭

初武后殺太子弘立賢為太子後賢
疑隙寢開不能保全無由敢言乃作

是辭命樂工歌之
冀后聞而感悟

種瓜黃臺下瓜熟子離離一摘使瓜好再摘使一作瓜

稀三摘猶一作尚自可摘絕抱蔓歸

韓王元嘉

王高祖第十一子少好學聚書至萬卷皆以古文字參
定同異閨門修整當世稱之中宗廢居房陵王與越王
貞父子謀舉兵反正未發而泄為武后所殺有詩一首

奉和同太子監守違戀

高宗為太子也

乾象開層構離明啓少陽卜征從獻吉守器屬元良
逝矣凌周誦遙哉掩漢莊好士傾南洛多才盛北場
地分丹鷲嶺途間白雲鄉儲誠虔曉夕宸愛積炎涼
珠壁連霄漢萬物仰重光

越王貞

王太宗第八子善騎射涉文史有吏幹為宗室材王
垂拱中王與韓王元嘉等謀舉兵反正事敗仰藥卒
有詩一首

奉和聖製過溫湯

鳳輦騰宸駕
驪鑾次乾遊
坎德疎溫液
山隈派暖流
寒氛空外擁
蒸氣沼中浮
林凋帷影散
雲斂蓋陰收
霜郊暢玄覽
參差落景遒

信安王禕

信安王禕太宗孫
吳王恪次子
特封嗣江王
開元時徙封信安
歷兵部尚書
朔方節度使
坐事除衢州刺史
天寶初以太子少師致仕
詩一首

石橋

在衢之爛柯山即王質看仙人奕棋處也詩有貞元二年嚴綬石刻記詩內缺二

十一
字

別有經行所迴跨重巒側粵因求瘼餘倏想尋真域放
情恣披拂杖策聊

色亂幡

霧中見雁塢雲間識薄煙羃遠郊遙峰沒歸翼仙橋危
石架幽洞乘

易測二教無先

後一相平而直翼茲捐俗心永懷依妙力

御定全唐詩卷六

欽定四庫全書薈要卷一萬七千四百十二

集部

御定全唐詩卷七

宜芬公主

公主本豆盧氏女有才色天寶四載奚霫無主安祿山
請立其質子而以公主配之上遣中使護送至虛池驛
悲愁作詩一首

虛池驛題屏風

出嫁辭鄉國由來此別難聖恩愁遠道行路泣相看沙

塞容顏盡邊隅粉黛殘妾心何所斷他日望長安

女學士宋氏若華

貝州宋廷芬之問裔孫也生一男五女男獨愚不可教而五女皆警慧善屬文曰若華若昭若倫若憲若荀若昭文尤高且悉稟性貞素不願歸人欲以學名家貞元中並召入宮帝與侍臣賡和五人者咸預高其風操不以妾侍命之呼學士倫荀先卒自貞元七年祕禁圖籍詔若華總領元和末贈河內郡君詩一首

朝陸暢

雲安公主下嫁暢為賓相才思敏捷應對如流六宮大異之暢吳音以詩朝焉

一云若

昭作

十二層樓倚翠空
鳳鸞相對立梧桐
雙成走報監門衛
莫使吳歆入漢宮

尚宮宋氏若昭

穆宗拜若昭尚宮嗣若華
秩歷穆敬文三朝皆呼先生
進封梁國夫人詩一首

奉和御製麟德殿宴百僚應制

垂衣臨八極肅穆四門通

一作雍

自是無為化非闕輔弼

一作相

功修文招隱伏尚武殄妖兇德炳

一作立

韶光熾

一作作

被恩霑雨露濃衣冠陪御宴禮樂盛朝宗萬壽稱觴舉

一作日

十年

一作官

信一同

尚宮宋氏若憲

寶厯初若昭卒若憲復代司宮籍詩一首

奉和御製麟德殿宴百官

一作若荀詩

端拱承休命時清荷聖皇四聰聞受諫五服遠朝王景

媚鶯初轉春殘日更長命一作御延多濟濟盛樂復鏘鏘

鄧錫誰將敵橫汾未可方願齊山嶽壽祉福永無疆

鮑氏君徽

鮑君徽字文姬鮑徵君女善詩與尚宮五宋齊名德宗
嘗召入宮與侍臣賡和賞賚甚厚存詩四首

奉和麟德殿宴百僚應製

一作奉和御製
麟德殿燕百僚

睿澤先寰海功成展武韶戈鋌清外壘文物盛中朝聖
祚山河固宸章日月昭玉筵鸞鵠集仙管鳳皇調御柳

新低綠宮鶯乍轉嬌願將億兆慶千祀奉神堯

關山月

高高秋月明北照遼陽城塞迴光初滿風多暈更生征
人望鄉思戰馬聞鼙驚朔風悲邊草胡沙暗一作昏虜營
霜凝匣中劍風憊原上旌早晚謁金闕不聞刁斗聲

惜花吟

枝上花花下人可憐顏色俱青春昨日看花花灼灼今
朝看花花欲落不如盡此花下歡莫待春風總吹却鶯

歌蝶舞韶光長

一作韶景長
又作嬌韶光

紅爐煮茗松花香妝成罷

吟

一作吟罷
又作曲罷

恣遊後

一作樂

獨把芳

一作花

枝歸洞房

東亭茶宴

閒朝向曉

一作晚

出簾櫳茗宴東亭四望通遠眺城池山

色裏俯聆弦管水聲中幽篁引沼新抽翠芳槿低檐欲
吐紅坐久此中無限興更憐團扇起清風

蕭妃

蕭妃武陵郡王伯良妃詩一首

夜夢

昨日夢君歸賤妾下鳴機極知意氣薄不著去時衣故
言如夢裏賴得雁書飛

御定全唐詩卷七

欽定四庫全書薈要卷一萬七千四百十三

集部

御定全唐詩卷八

南唐先主李昇

昇字正倫徐州人楊行密養為子以乞徐溫初冒姓徐名知誥代溫秉政受楊氏禪僭帝位諡烈祖傳國三十九年詩一篇

詠燈

詩史云九歲在溫家作溫閱之歎賞遂不以常兒遇之

一點分明值萬金開時惟怕冷風侵主人若也勤挑撥

敢向尊前不盡心

嗣主璟

璟字伯玉烈祖子風度高秀善屬文諡玄宗詩二首

遊後湖賞蓮花

蓼花蘸水火不滅水鳥驚魚銀梭投滿目荷花千萬頃
紅碧相雜敷清流孫武已斬吳宮女琉璃池上佳人頭
撫遺云識者
謂非吉語

保大五年元日大雪同太弟景遂汪王景遇齊

王景達進士李建勲中書徐鉉勤政殿學士張

義方登樓賦

珠簾高卷莫輕遮往往相逢隔歲華春氣昨宵飄律管
東風今日放梅花素姿好把芳姿掩落勢還同舞勢斜
坐有賓朋尊有酒可憐清味屬儂家

句

靈槎思浩蕩老鶴倚崆峒

古今詩話環割江之後遷都豫章每北望忽忽不樂作詩

有此句

蒼苔迷古道紅葉亂朝霞

廬山百花亭刊石

棲鳳枝梢猶軟弱化龍形狀已依稀

十歲詠新竹

後主煜

煜字重光南唐玄宗子仁孝善屬文工書畫妙於音律
置澄心堂於內苑引文士居其間嘗著雜說百篇時人
以為可繼典論開寶中封隴西公贈吳王集十卷詩一
卷失傳今存詩十八首

九月十日偶書

晚雨秋陰酒乍醒
感時心緒杳難平
黃花冷落不成豔
紅葉颼颼競鼓聲
背世返能厭俗態
偶緣猶未忘多情
自從雙鬢斑斑白
不學安仁却自驚

秋鶯

殘鶯何事不知秋
橫過幽林尚獨遊
老舌百般傾耳聽
深黃一點入煙流
棲遲背世同悲魯
瀏亮如笙碎在綸
莫更留連好歸去
露華淒冷蓼花愁

病起題山舍壁

山舍初成病乍輕杖藜巾褐稱閒情爐開小火深回暖
溝引新流幾曲聲暫約彭涓安朽質終期宗遠問無生
誰能役役塵中累貪合魚龍構強名

送鄧王二十弟從益牧宣城

後主自為詩序以送之其略云秋山

滴翠暮壑澄空愛
公此行暢乎遐覽

且維輕舸更遲遲別酒重傾惜解攜浩浪侵愁光蕩漾
亂山凝恨色高低君馳檣楫情何極我凭闌干日向西
咫尺煙江幾多地不須懷抱重淒淒

渡中江望石城泣下

江表志作吳讓皇楊溥詩題作泰州永寧宮

江南江北舊家鄉三十年來夢一場
吳苑宮闈今冷落廣陵臺殿已荒涼
雲籠遠岫愁千片雨打歸舟淚萬行
兄弟四人三百口不堪閒坐細思量

輓辭

宣城公仲宣後主子小字瑞保年四歲卒母昭惠先病哀苦增劇遂至於殂故後主

輓辭

并其

母子悼之

珠碎眼前珍花凋世外春
未銷心裏恨又失掌中身
玉筍猶殘藥香奩已染塵
前哀將後感無淚可霑巾

豔質同芳樹浮危道略同正悲春落實又苦雨傷叢穠
麗今何在飄零事已空沈沈無問處千載謝東風

悼詩

仲宣卒後主哀甚然恐重傷昭惠常默坐
飲泣而已因為詩以寫志吟詠數四左右

為之

泣下

永念難消釋孤懷痛自嗟雨深秋寂莫愁引病增加咽
絕風前思昏濛眼上花空王應念我窮子正迷家

感懷

後主昭惠后周氏小字娥皇年二十九殂
後主哀苦骨立杖而後起每於花朝月夕

無不
傷懷

又見桐花發舊枝
一樓煙雨暮淒淒
凭闌惆悵人誰會
不覺潛然淚眼低

層城無復見嬌姿
佳節纏哀不自持
空有當年舊煙月
芙蓉城上哭蛾眉

梅花

後主嘗與周后移植梅花於瑤光殿之西及花時而后已殂因成詩見意

殷勤移植地曲檻小闌邊
共約重芳日還憂不盛妍
阻風開步障乘月澗寒泉
誰料花前後蛾眉却不全

又

失却煙花主東君自不知清香更何用猶發去年枝

書靈筵手巾

浮生共顙頰壯歲失嬋娟汗手遺香漬痕眉染黛煙

書琵琶背

周后通書史善音律尤工琵琶玄宗賞其藝取所御琵琶時謂之燒槽者

賜馬燒槽即蔡邕焦桐之義或謂斲材而斲之或謂因熟而存之后臨殂以琵琶及常臂玉環

親遺

後主

旣自肩如削難勝數縷條天香留鳳尾餘暖在檀槽

病中感懷

顚顚年來甚蕭條益自傷風威侵病骨雨氣咽愁腸夜
鼎唯煎藥朝髭半染霜前緣竟何似誰與問空王

病中書事

病身堅固道情深宴坐清香思自任月照靜居唯擣藥
門扃幽院只來禽庸醫嬾聽詞何取小婢將行力未禁
賴問空門知氣味不然煩惱萬塗侵

賜宮人慶奴

墨莊漫錄云煜嘗書黃羅扇上至今歲在貴人家

風情漸老見春羞到處消魂感舊遊多謝長條似相識

強垂煙態拂人頭

題金樓子後

并序

梁元帝謂王仲宣昔在荊州著書數十篇荊州壞
盡焚其書今在者一篇知名之士咸重之見虎一
毛不知其斑後西魏破江陵帝亦盡焚其書曰文
武之道盡今夜矣何荊州壞焚書二語先後一轍
也詩以慨之

牙籤萬軸裹紅綃王祭書同付火燒不是祖龍留面目

遺篇那得到今朝

楓窗小牘云此詩同書藏內庫今朝誤作金朝徽廟惡而抹之後竟如識

金入

句

迢迢牽牛星杳在河之陽粲粲黃姑女耿耿遙相望

癸辛

雜集

鶯狂應有恨蝶舞已無多

落花老學菴筆記云作此未久亡國

揖讓月在手動搖風滿懷

詠扇石林燕語宋太祖嘗因曲宴使煜誦其得意詩舉

此太祖曰好一箇翰林學士

病態如衰弱厭厭向五年

以下律髓注

衰顏一病難牽復曉殿君臨頗自羞

冷笑秦皇經遠

略靜憐姬滿苦時巡
鬢從今日添新白菊是去年依

舊黃

以下翰府名談

萬古到頭歸一死醉鄉葬地有高原

煜歲

暮來醉書此於牖醒而見之大悔不久謝世

人生不滿百剛作千年畫

野客

叢談

日映仙雲薄秋高天碧深

海錄碎事

烏照始潛輝龍

燭便爭秉

以下孔帖

凝珠滿露枝

游颺日已西肅穆寒

初至

九重開扇鵲四牖炳燈魚

羽觴無算酌

傾

盃更為壽深卮遞酬賓

韓王從善

從善字子師玄宗第七子宋改封楚國公詩一首

薔薇詩一首十八韻呈東海侍郎徐鉉

綠影覆幽池芳菲四月時
管弦朝夕興組繡百千枝
盛引牆看偏高煩架屢移
露輕濡綵筆蠶誤拂吟髭
日照玲瓏慢風搖翡翠帷
早紅飄蘚地狂蔓挂蛛絲
嫩刺牽衣細新條宰草垂
晚香難暫捨嬌態自相窺
深淺分前後榮華互盛衰
尊前留客久月下欲歸遲
何處繁臨砌誰家密暎籬
絳羅房燦爛碧玉葉參差
分得殷勤種開

來遠近知晶熒歌袖袂柔弱舞腰支膏麝誰將比庭萱
自合嗤勻妝低水鑑泣淚滴煙靄畫擬憑梁廣名宜亞
楚姬寄君十八韻思拙媿新奇

吉王從謙

從謙玄宗第九子後主母弟也風采峭整動有規誨喜
為律詩宋改封鄂國公詩一首

觀棊

後主燕閒嘗與侍臣奕從謙甫
數歲侍側後主命賦觀棊詩

竹林二君子盡日竟沈吟相對終無語爭先各有心恃

強斯有失守分固無侵若算機籌處滄滄海未深

蜀高祖王建

建字光圖許州舞陽人少無賴為忠武軍卒稍遷隊將
楊復光討黃巢建為都頭僖宗使將神策軍宿衛文德
元年為招討牙內都指揮使大順二年檢校司徒成都
尹節度劍南西川招撫雲南八國等使天復三年封蜀
王遂并有兩川山南西道三峽之地梁既篡唐僭即帝
位卒號高祖詩一首

贈別唐太師道襲

卅歲便將為肘腋二紀何曾離一日更深猶尚立案前
敷奏柔和不傷物今朝榮貴慰我心雙旌引向重城出
褒斜舊地委勲賢從此生靈永泰息

後主衍

衍字化源建之子知學問能為浮豔詞為後唐所滅詩
五首

幸秦川上梓潼山

喬巖簇冷煙幽徑上寒天下瞰峨眉嶺上窺華岳巔驅
馳非取樂按幸為憂邊此去如登陟歌樓路幾千

題劍門

緩轡踰健劍行行躡石稜作千尋壁壘為萬祀依憑道
德雖無取江山粗可矜回看城闕路雲疊樹層層

過白衛嶺和韓昭

先朝神武力開邊畫斷封疆四五千前望隴山屯劍戟
後憑巫峽鎖烽煙軒皇尚自親平寇嬴政徒勞愛學仙

想到隗宮尋勝處正應鶯語暮春天

宮詞

蜀梲杌云嘉王宗壽每諫諍衍不樂燕會衍命工人李玉簫歌其所撰宮詞送宗壽

酒宗壽懼禍乃飲佞臣潘在迎曰嘉王聞玉簫即飲請以玉簫賜之衍曰王必不納其詞曰

輝輝赫赫浮玉雲宣華池上月華新月華如水浸宮殿
有酒不醉真癡人

醉妝詞

者邊走那邊走只是尋花柳那邊走者邊走莫厭金杯

酒

句

不緣朝闕去好此結茅廬

北夢瑣言云衍侔入秦至劍閣閬山水之美作時人笑之

吳越王錢鏐

鏐字具美臨安人唐末以鄉兵討平劉漢宏董昌奄有
十三州建國稱王好吟咏通圖緯學喜作正書謚武肅
詩二首

巡衣錦軍製還鄉歌

吳越備史鏐生臨安石鏡鄉臨水里有大木鏐幼與

羣兒戲其下坐大石指麾為隊伍鏐既貴昭宗改其鄉曰廣義里曰勲貴所居營為衣錦營俄

又升為衣錦軍號大木為衣錦將軍天復元年
鏐於其地大會故老賓客山林樹木皆覆以錦
幄表衣錦之榮開平四年

鏐遊錦衣軍作還鄉歌

三節還鄉兮挂錦衣碧天朗朗兮愛日暉功成道上兮
列旌旗父老遠來兮相追隨家山鄉眷兮會時稀今朝
設宴兮觥散飛斗牛無孑兮民無欺吳越一王兮駟馬
歸湘山野錄云時父老不解此歌王復以吳音歌云你輩見儂底歡喜別是一般滋味子長在我儂心子裏
至今狂童游女能傲之

沒了期歌

晉公談錄武肅所言皆可律下忽一日雜役兵士於公署壁題云云部轄

者皆怒王曰不必怒續書云云
辛伍見之怡然力役不復怨咨

沒了期沒了期營基纔了又倉基

軍士題

沒了期沒了期春衣纔了又冬衣

武肅續

句

須將一片地付與有心人

題湖州嬰蘭堂 備史鏐欲命高彥為刺史故先示意後

彥為州十一載政果有聲彥海鹽人也

黃河信有澄清日後代應難繼

此才

羅隱寢疾鏐臨問題其壁云云隱以紅紗罩其上謝詩有壁間章句動風雷此也隱身後無文嗣鏐

詩為之識

傳語龍王并水府錢塘借與築錢城

鏐築扞海塘角詩一

章置海門其末句云
云 以上並見備史

後王錢俶

俶字文德嗣位三十二年納土歸宋贈秦王諡忠懿好
吟詠自編其詩為正本集陶穀為序今存一首

宮中作

汝帖

廊廡周遭翠幙遮禁林深處絕喧譁界開日影憐窗紙
穿破苔痕惡筍芽西第晚宜供露茗小池寒欲結冰花
謝公未是深沈量猶把輸贏局上誇

後蜀嗣主孟昶

昶字保元蜀主知祥第三子明德元年立為太子在位
二十八年國亡降宋封秦國公卒贈楚王謚恭惠詩一
篇

避暑摩訶池上作

冰肌玉骨清無汗水殿風來暗香暖

一作滿

簾開明月獨

窺人鼓枕釵橫雲鬢亂起來瓊

一作庭

戶寂無聲時見疎

星渡河漢屈指西風幾時來只恐流年暗中換

閩王王繼鵬

閩王審知之孫詩一首

批葉翹諫書紙尾

榕陰
新檢

春色曾看紫陌頭
紅飛盡不禁愁
人情自厭芳華歇
一葉隨風落御溝

御定全唐詩卷八

欽定四庫全書薈要卷一萬七千四百十四

集部

御定全唐詩卷九

蜀太后徐氏

成都徐耕生二女皆有國色能為詩蜀王建納之姊為
賢妃姊為淑妃王衍即位冊賢妃為順聖太后淑妃為
翊聖太妃咸康元年衍奉太后太妃同禱青城山凡游
歷之處各賦詩刻於石共十六首

丈人觀

早與元妃慕至化

一作玄

同躋靈嶽訪真仙當時信有壺

中景今

一作此

日親來洞裏天儀仗影空寥廓外金絲聲

揭翠微巔惟慙未致華胥理徒卜

一作祝

升平萬萬年

玄都觀

千尋綠嶂夾流溪登眺因知海

一作衆

岳低瀑布迸春青

石碎輪茵橫翦翠峰齊步黏苔鮮龍橋滑日閉煙蘿

一作

蠻

鳥徑迷莫道穹天無路到此山便是碧雲梯

丈人觀謁先帝御容

聖帝歸梧野躬來謁聖顏旋登三徑路似陟九嶷山日
照堆嵐迴雲橫積翠間期修封禪禮方俟再躋攀

題金華宮

再到金華頂玄都訪道回雲披分景象黛鎖

一作斂

顯樓

臺雨滌前山淨風吹去路開翠屏夾流水何必羨蓬萊
丹景山至德寺

周回雲水遊丹景因與真妃眺上方晴日曉升金晃曜
寒泉夜落玉丁當松梢月轉琴栖影柏徑風牽麝食香

虔燂六銖宜鑄祝惟祈聖祉保遐昌

題彭州陽平化

尋真游勝境巡禮到陽平水遠波瀾碧山高氣象清殿

嚴孫氏貌碑暗係師名夜月登壇醺

一作夜醺
古壇月

松風森

磬聲

三學山夜看聖燈

虔禱游靈境元妃夙志同玉香焚靜夜銀燭炫遼空泉
漱雲根月鐘敲檜杪風印金標聖迹飛石顯神功滿望

天涯極平臨日脚紅猿來齋石上僧集講筵中頓作超
三界渾疑證六通願成修偃化社稷保延洪

題天廻驛

周遊靈境散幽情千里江山暫得行所恨風一作煙光看

未足却驅金翠入龜城

蜀太妃徐氏

丈人觀

獲陪翠輦喜殊常同涉仙壇豈厭長不羨乘鸞入煙霧

此中便是五雲鄉

玄都觀

登尋丹壑到玄都接日紅霞照座隅
即向周回巖下看
似看曾進畫圖無

游丈人觀謁先帝御容

共謁御容儀還同在禁闈笙歌

一作笙

喧寶殿彩仗耀金

徽清淚霑羅袂紅霞拂繡衣
九疑山水遠無路繼湘妃

題金華宮

碧煙

一作雲

紅霧漾

一作撲

人衣宿霧蒼

一作沾

苔石徑危風

巧解吹松上曲蝶嬌頻采臉邊脂同尋僻境思攜手暗

指遙山學畫眉好把身心清淨處

一作出

角冠霞帔事希

夷

和題丹景山至德寺

丹景山頭宿梵宮玉輪

一作軒

金輅駐虛空軍持無水注

寒碧蘭若有花開晚紅武士盡排青嶂下內人皆在講

筵中我家帝子傳王業積善終期四海同

題彭州陽平化

雲浮翠輦屈陽平真似驂鸞到上清
風起半厓聞虎嘯雨來當面見龍行
晚尋水澗聽松韻夜上星壇看月明
長恐前身居此境玉皇教向錦城生

三學山夜看聖燈

聖燈千萬炬旋向碧空生
細雨濕一作漑不暗好風吹更

明磬敲金地響僧唱梵天聲
若說無心法此光如有情

題天迴驛

翠驛紅亭近玉京夢魂猶是在青城
比來出看江山景
却被江山看出行

御定全唐詩卷九

欽定四庫全書薈要卷一萬七千四百十五

集部

御定全唐詩卷十

郊廟歌辭

祀圜丘樂章

唐書樂志曰貞觀二年祖孝孫脩定雅樂取禮記大樂與天地同和

故製十二和之樂祭天神奏豫和之樂祭地祇奏順和祭宗廟奏永和登歌奠玉帛奏肅和皇

帝行及臨軒奏太和王公出入送文舞出迎武舞入奏舒和皇帝食舉及飲酒奏休和皇帝受

朝奏正和皇太子軒懸出入奏承和正至皇帝禮會登歌奏昭和郊廟組入奏雍和酌獻飲福

酒奏壽和六年冬至祀昊天於圜丘樂章褚亮虞世南魏徵等作大厯十四年改豫和為元和

以避諱也按唐初作十二和以法天數其
後增造非一頗無法度皆隨時制名云

豫和

上靈睠命膺會昌盛德殷薦叶辰良景福降兮聖德遠
玄化穆兮天歷長

太和

穆穆我后道應千齡登三處大得一居貞禮惟崇德樂
以和聲百神仰止天下文明

肅和

闔陽播氣甄曜垂明有赫圜宰深仁曲成日麗蒼壁煙
開紫營聿遵乾享式降鴻禎

雍和

欽惟大帝戴仰皇穹始命田燭爰啟郊宮雲門駭聽雷
鼓鳴空神其介祀景祚斯融

壽和

八音斯奏三獻畢陳寶祚惟永暉光日新

舒和

疊壁凝影皇壇路編珠流彩帝郊前已奏黃鍾歌大呂
還符寶歷祚昌年

凱安

新唐書禮樂志曰貞觀初更隋文舞曰治康武舞曰凱安郊廟朝會同用之舞

者各六十四人文舞左籥右翟皆委貌冠黑素絳領廣褱白袴革帶烏皮履武舞左干右威服平冕餘同文舞朝會則武弁平巾幘廣褱金中約文袴烏皮鞞執干戚餘同郊廟凡初獻作文舞亞獻終獻作武舞太廟降神以文舞後改治康舞曰化康避高宗諱也舊書樂志曰凱安舞貞觀中造凡有六變一變象龍典參野二變象尅靖閼中三變象東夷賓服四變象江淮寧謐五變象獫狁服六變復位以崇象兵還振旅亦如周之大武六成

樂止按貞觀禮享郊廟日文舞奏豫和順和
永和等樂麟德二年十月文舞改用功成慶
善樂武舞改用神功破陣樂并改器服後以
慶善樂不可降神破陣樂不入雅樂復用治
康凱安
如故

昔在炎運終中華亂無象
鄴郊赤烏見却山黑雲上大
賚下周車禁暴開殷網幽明同叶贊鼎祚齊天壤

豫和

歌奏畢兮禮獻終六龍馭兮神將昇明德感兮非黍稷
降福簡兮祚休徵

郊天舊樂章

唐書樂志曰大樂舊有郊天送神辭一章不詳所起

豫和

蘋繁

一作登銅

禮著黍稷誠微音盈鳳管彩駐龍旂洪歆式

就介福攸歸送樂有闕靈馭遙飛

武后大享昊天樂章

十二首並載本集

大陰凝至化真耀蘊軒儀德邁娥臺敞仁高如幄披捫

天遂啟極夢日乃昇曦

瞻紫極望玄穹翹至懇聲深衷聽雖遠誠必通垂厚澤

降雲宮

乾儀混成冲邃天道下濟高明闔揚晨披紫闕大一曉
降黃庭圓壇敢申昭報方璧冀展虔情丹襟式敷衷懇
玄鑒庶察微誠

巍巍睿業廣赫赫聖基隆菲德承先顧禎符萃眇躬銘
開武巖側圖薦洛川中微誠詎幽感景命忽昭融有懷
慙紫極無以謝玄穹

朝壇霧卷曙嶺煙沈爰設筐

一作筐

幣式表誠心筵輝麗

璧樂暢和音仰唯靈鑒俯察翹襟

昭昭上帝穆穆下臨禮崇備物樂奏鏘金蘭羞委薦桂
醑盈斟敢希靈德聿罄莊心

樽浮九醞禮備三周陳誠菲奠契福神猷

奠璧郊壇昭大禮鏘金拊石表虔誠始奏承雲娛帝賞
復歌調露暢韶英

荷恩承顧託執契恭臨撫廟畧靜邊荒天兵耀神武有
截資先化無為遵舊矩禎符降昊穹大業光寰宇

肅肅祀典邕邕禮秩三獻已周九成斯畢爰撤其俎載
遷其實或升或降唯誠唯質

禮終肆類樂闋九成仰惟明德敢薦非馨顧慙菲奠久
駐雲輶瞻荷靈澤悚慙兼盈

式乾路闢天扉迴日馭動雲衣登金闕入紫微望仙駕
仰恩徽

中宗祀昊天樂章

唐書樂志曰景龍三年親祀
昊天上帝降神用豫和皇帝

行用太和登歌用肅和迎俎用雍和酌獻用福
和送文舞出迎武舞入用舒和武舞作用凱安

豫和

天之厯數歸睿唐顧惟菲德欽昊蒼撰吉日兮表殷薦
冀神鑒兮降閭陽

太和

恭臨寶位肅奉瑤圖恒思解組每軫泣辜德慚巢燧化
劣唐虞期我良弼式贊嘉謨

告謝

得一流玄澤通三御紫宸遠叶千齡運遐銷九域塵絕

瑞駢闐集殊祥絡繹臻登年慶棲畝稔歲賀盈囷

肅和

悠哉廣覆大矣曲成九玄著象七曜貞

一作甄

明珪璧是

奠醞酎斯盈作樂崇德爰暢咸英

雍和

郊壇展敬嚴配因心孤竹簫管空桑瑟琴肅穆大禮鏗
鏘八音恭惟上帝希降靈歆

福和

九成爰奏三獻式陳欽承景福恭託明禋

中宮助祭升壇

坤元光至德柔訓闡皇風
采芣芳聲遠螽斯美化隆
庥範超千載嘉猷備六宮
肅恭陪盛典欽若薦禋宗

亞獻

三靈降饗三后配神虔
敷藻奠敬展郊禋

舒和

已陳粢盛敷嚴祀更奏笙鏞
協雅聲璇圖寶歷欣寧謐

晏俗淳風樂太平

凱安

堂堂聖祖興赫赫昌基泰戎車盟津偃玉帛塗山會舜
日啟祥暉堯雲卷征旆風猷被有截聲教覃無外

明皇祀圜丘樂章

唐書樂志曰開元十一年祀
昊天於圜丘降神用豫和六

變辭同皇帝行用太和登歌奠玉帛用肅和迎
祖用雍和皇帝酌獻天神酌獻配座飲福酒並
用壽和送文舞出迎武舞入用舒和武舞用
凱安禮畢送神用豫和皇帝還大次用太和

豫和

至矣丕構烝哉太平授犧膺箴復禹繼明草木仁化鳧
鷖頌聲祀宗陳德無媿斯誠

太和

郊壇齋帝禮樂祀天丹青寰宇宮徵山川神祇畢降行
止重旋融融穆穆納祉洪延

肅和

止奏潛聆登儀宿嘽太玉躬奉參鍾首奠簋簋聿昇犧
牲遡薦昭事顯若存存以覩

雍和

爛雲普洽律風無外千品其凝九賓斯會禋尊晉燭純
犧滌汰玄覆攸廣鴻休汪濊

壽和

六變爰闋八階載虔祐我皇祚於萬斯年

壽和

於赫聖祖龍飛晉陽底定萬國奄有四方功格上下道
冠農黃郊天配享德合無疆

壽和

崇崇泰時肅肅嚴禋粢盛既潔金石畢陳上帝來享介
福爰臻受釐合祉寶祚維新

舒和

祝史正辭人神叶慶福以德招享以誠應六變云備百
禮斯浹祀事孔明祚流萬葉

凱安

馨香惟后德明命光天保肅和崇聖靈陳信表皇道玉

鍼初蹈厲金匏既靜好

一本此下有介福何穰穰精誠格穹昊二句

豫和

大號成命思文配天神
光肝蠶龍駕言旋眇眇
闔闔昭昭上玄俾昌而
大於斯萬年

太和

六成既闕三薦云終神
心具醉聖敬愈崇受釐
皇邸回蹕帷宮穰穰之
福永永無窮

封泰山樂章

唐書樂志曰開元十三年明皇封泰山祀天樂降神用豫和六變迎

送皇帝用太和登歌奠玉帛用肅和迎俎用雍
和酌獻飲福並用壽和送文舞出迎武舞入用
舒和終獻亞獻用凱安送神
用豫和中書令張說製辭

豫和

款泰壇柴泰清受天命報天成竦皇心薦樂聲志上達
歌下迎

億上帝臨下庭騎日月陪列星嘉祝信大禧馨澹神心
醉皇靈

相百辟貢八荒九歌叙萬舞翔肅振振鏗皇皇帝欣欣

福穰穰

高在上道光明物資始德難名永眷命牧蒼生寰宇謐
太階平

天道無親至誠與鄰山川遍禮宮徵維新玉帛非盛聰
明會真正斯一德通乎百神

饗帝饗親維孝維聖緝熙懿德敷揚成命華夷志同笙
鏞禮盛明靈降止感此誠敬

太和

孝敬中發和容外彰騰華照寓如昇太陽貞璧就奠玄
靈垂光禮樂具舉濟濟洋洋

肅和

奠祖配天承天享帝百靈咸秩四海來祭植我蒼璧布
我玄製華日裊回神煙容裔

雍和

俎豆有馥粢盛潔豐亦有和羹既戒既平鐘鼓管磬肅

唱和鳴皇皇后祖來

一作

我思成

壽和

烝烝我后享獻惟寅躬酌鬱鬯跪奠明神孝莫孝乎配
上帝親敬莫敬乎教天下臣

壽和

皇祖嚴配配享皇天皇皇降嘏天子萬年

舒和

六鐘翕協六變成八佾倘佯八風生樂九歆兮人神感
美七德兮天地清

凱安

烈祖順三靈文宗威四海黃鉞誅羣盜朱旗掃多罪戢
兵天下安約法人心改大哉千羽意長見風雲在

豫和

樂已終禋燎上懷靈惠結皇想歸風疾迴風爽百神來
衆神往

祈穀樂章

唐書樂志曰貞觀中正月上辛祈穀於南郊降神用豫和皇帝行用太和

登歌奠玉帛用肅和迎祖用雍和送文舞出迎武舞入用舒和武舞用凱安送神用豫和褚亮

作其豫和太和壽和凱安五章詞同冬至閣立
按貞觀禮祀感生帝同用此詞顯慶以後同用

冬至閣
丘詞

肅和

履艮斯繩居中體正龍運垂祉昭符啟聖式事嚴禋聿
懷嘉慶惟帝永錫時皇休命

雍和

殷薦乘春太壇臨曙八簋盈和六瑚登御嘉稷匪歆德
馨斯飫祝嘏無易靈心有豫

舒和

玉帛犧牲申敬享金絲鍼羽盛音容庶伴億齡禔景福
長欣萬宇洽時邕

明堂樂章

唐書樂志曰季秋享上帝於明堂降神用豫和皇帝行用大和登歌奠玉

帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用豫和其豫和太和壽和凱安五章詞同冬至圜丘貞觀中褚亮等作

肅和

象天御宇乘時布政嚴配申虔宗禋展敬樽罍盈列樹

羽交映玉幣通誠祚隆皇聖

雍和

八牖晨披五精朝奠霧凝璇籀風清金縣神滌備全明
粢豐衍載絜粢俎陳誠以薦

舒和

御展合宮承寶厯席圖重館奉明靈偃武修文九圍泰
沈烽靜柝八荒寧

武后明堂樂章

並載
本集

外辦將出

總章陳昔典衡室禮惟神宏規則天地神用叶陶鈞負
宸三春旦充庭萬宇賓顧已誠虛薄空慙億兆人

皇帝行

仰膺歷數俯順謳歌遠安邇肅俗阜時和化光玉鏡訟
息金科方興典禮永戢干戈

皇嗣出入升降

至人光俗大孝通神謙以表性恭惟立身洪規載啟茂

典方陳譽隆三善祥開萬春

迎送王公

千官肅事萬國朝宗載延百辟爰集三宮君臣德合魚
水斯同睿圖方永周歷長隆

登歌

禮崇宗祀志表嚴禋笙鏞合奏文物維新敬遵茂典敢
擇良辰絜誠斯著奠謁方申

配饗

笙鏞間玉宇

一作鳴玉

文物昭清暉
睟影臨芳奠
休光下太

微孝思期有感
明絜庶無違

宮音

履艮包羣望
居中冠百靈
萬方資廣運
庶品荷財成
神功諒匪測
盛德實難名
藻奠申誠敬
恭祀表惟馨

角音

出震位開平
秩扇條風乘
甲乙龍德盛
鳥星出薦
珪籩

陳誠實

徵音

赫赫離精御炎陸
滔滔熾景開隆暑
冀延神鑒俯蘭樽
式表虔襟陳桂俎

商音

律中夷則序應收
成功宣建武義表
惟明爰申禮奠庶
展翹誠九秋是式
百穀斯盈

羽音

葭律肇啟隆冬
頻一作蘊藻攸陳饗祭
黃鐘既陳玉燭紅

粒方殷稔歲

雩祀樂章

唐書樂志曰孟夏雩祀上帝於南郊降神用豫和皇帝行用太和登歌奠

玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用豫和其豫和太和壽和凱安五章詞同冬至圜丘貞觀中褚亮等作

肅和

朱鳥開辰蒼龍啟暎大帝昭饗羣生展敬禮備懷柔功
宣舞詠旬液應序年祥協慶

雍和

紺筵分彩瑤圖吐絢風

一作鳳

管晨凝雲歌曉轉肅事蘭

羞虔申桂奠百穀斯登萬箱攸薦

舒和

鳳曲登歌調令序龍雩集舞汎祥風綵旒雲迴昭睿德
朱干電發表神功

雩祀樂章

唐書樂志曰大樂舊有雩祀降送神
辭二章不詳所起或云開元中造

豫和


鳥緯遷序龍星見辰純陽在律明德崇禋五方降帝萬

宇安人恭以致享肅以迎神

豫和

祀遵經設享緣誠舉獻畢于樽徹臨于俎舞止干戚樂
停祝散歌以送神神還其所

御定全唐詩卷十



總校官庶士_臣張能照

校對官檢討_臣龔大萬

謄錄監生_臣李士勳

謄錄監生_臣杜成